



篋數程先生文集卷之六十四

詩

遊月河寺次韻顧光祿時送張廷龜中還南京

空門坐蒲河風柳扇微和曉色城頭盡暮聲水上多過墻燕市酒倚席  
渭城歌不盡遊人興詩慳可奈何

一徑曲通河經春土脉和破籬編葦密老圃種花多惠遠還能笑昌黎  
不解歌題名人半老莫更問誰何

祝金陵倪處士詩即謙之族人太常作志

家住修文巷俄然夢不醒譜通宗伯系塚勒太常銘倚頓千金產童烏  
一卷經不堪人墮淚擇葵近新亭

鏡中偶見白鬚時年三十

曉起掀髯笑不梳鏡中霜到一莖初他鄉轉覺官無用半世空驚病有  
餘閒處欲尋友遁語老來思共阿咸居平安獨喜南鴻便一月常收兩

慶書

成化乙未 廷試卷紀事有作

大廷多士若雲屯入對從容感

至尊新雨過城開曉霽好風吹柳散春溫尚方絡繹來珍饌中使催呼

禁門回首十年如夢裏傳臚當日愧蒙恩

文章清禁接詞林閱卷親勞法駕臨黃紙墨痕春淡紫垣鍾漏午

沉風雲此日開文運忠孝何人契

主心今夜禮曹還賜燭早隨冠冕聽 綸音

壽靈臺即吳英母九十

暖風開燕敞雲屏慈壽從今數百齡盤詰紫鸞恩浩蕩傳書青鳥意

叮嚀北堂秀發宜男草南極光躔發女星莫對絳人提甲子五官聲價

重 堯庭

夜夢家君曉起得家書時家君已得請還鄉

夢接庭闈語未闌曉來南鴈寄書還平安字抵千金價晚節功成九仞

山竊祿尚堪供薄養遠遊何日奉尊顏遙知兩弟稱觴處綵服應留一

副閒

瓊島春雲應 制

五色氤氳曉未開一春長遶玉峯來成祥頃刻非無意行雨分明是有

才御氣遠通花萼殿靈根偏護柏梁臺望中忽感從龍念恐有遺賢在

草萊

季弟克寬來京師適當端午西湖南海之運尚未有花而予家

盆池特出二萼化工之巧有若為予兩人者設耳克寬南行有

期輒用開讌以酌花因思予在西城時此花亦於五月盛開司

寇陸公輩各賦一詩以為予中舉之徵其後果然今十四年矣

故詩及之

誰家端午看芙蓉蝸舍風光似有餘再紅苞初半折田青傘未全

舒酒籌暗合愁新別詩識先徵憶舊居莫忘弟兄携手處一簾花雨濕  
征裾

次韻羅明仲太史中元謁陵僕三度謁陵皆以冬至又兩與  
李世賢太史行

陪祀頻煩下紫清冒寒長記舊經行風生古堠驚鴉宿月滿荒城聽  
馬鳴花鳥送君今日路溪山回首隔年情道傍老驛題詩處定有居人  
說李程

送戶部吳廷憲主事赴廣西提學僉事得文字

泛漑錦江產材多好文就中吳季子壯歲迥不群久造司徒班薦書  
新上聞朝廷重興學簡命恩禮勤乘驄過梅嶺持節開江氛念子掌  
邦教此職固所欣部門時雨晴岐路東西分嶠外豈無士成之在陶薰  
時名愧絕藻實學須典墳典墳首群行古聖非徒云行志方健寧肯  
上負君三歲諒有期遲子來策勳

送袁士鑿太守考績還淮安得童字

淮陽今大府南北舟車通上官絡繹至卧治將無功史君東南來瘦馬  
從一童績成奏

天子出門歲將窮君本法曹即皎百鍊銅坐令郡訟稀風化千里同  
勸君一卮酒美政貴保終不見古循吏名與長淮東

洞黃詞挽黃尚斌先生職方產俊之祖父

洞黃何逶迤遠在天台間壁立千芙蓉四顧相回環緬思洞中人一去  
何當還平生讀書處松檜不改顏兒孫日以長濟通朝班孰識巖栖  
翁高名配茲山我歌洞黃詞悵望春闌珊生芻香莫致浙水東潺

大病不寐

月西窓正黑天色向黎明坐數傳籌者沉殺五更

又

溽暑人如醉昏一病身如何三五夜番作獨醒人

陸廉伯太史家賞蓮得天字

小院涼生雨後天一尊同賞甕池蓮散花曉日來天女步月清宵見水仙坐客不辭浮白令主人何惜買紅錢興來忍折芳筩盡回首風光又隔年是日主人以綵繒纏荷柄故詩及之

八月一日丁祀夜作有懷彭文憲公

半夜奎星光燭天諸生雲擁戟門前閒階露下聽更坐別院人稀借榻眠燈亂衣冠松外轉風清絲竹殿中傳西湖故老今何許分啗叨陪記往年

賀高揮使生子

錦棚香襲舊征袍轉覺王孫甲第高喜氣鎮浮三日迥啼聲渾似五陵豪四筵湯餅朝開謔左戶桑蓬夜屬藥已是他年真將種殷勤僕付呂虔刀

送耿司業先生省親還河南

垂白萱親在北堂喜承恩詔趣歸裝秋容黯淡辭都下曉夢依稀見洛陽萊子舊衣增刺繡陽城新例有封章踈庸濫逐門生後駐馬離亭盡一觴

文淵閣大學士彭先生哀輓

廊廟憂深病亦深西風庭木動悲吟文星一殞嗟何極哀詔頻頒似不禁三館尚聞脩宋史八方空後望高霖平生忠孝封章在不負先皇策士心

乙未十一月十六日長至有感白鬚又添一莖

吟鬚再見一莖霜愁思應隨一線長月色也從今夜減酒懷爭似少年狂海榴漫說偏多子喬木誰憐隔異鄉好是浮名未得十年辛苦尚為郎

尹亞卿家飲散用韻二首一讀

景帝謚議一謝盛筵

天賦宗賢撥亂才八方威命響新雷 衣衣立受

東朝命 玉輦迎從北地來

九廟有靈知孝友百年無力報奸回

今皇盛德嗟何極一紙虹光燭夜臺

右讀謚議

勝日叨陪玉署才綺筵簫鼓沛晴雷官臺尚足傳孟用堂食初分入饌

來拂座面驚春色動聯鑣身帶夕陽回題詩欲盡留連意長句無能効

栢堂

右謝盛筵

臘月念八日得仲弟克檢南京書季弟克寬杭州書報家君已

至徽州

兩回家信一時聞北鴈如何久離群同氣影隨三處月老親身卧萬山

雲懷歸有約多成夢竊祿無才可報

君學業半荒鬚漸白愁顏消得付餘醺

燕都石鼓題廣人黃映江湖勝覽卷

岐陽埋沒草離三汴省燕都嘆屢移一代文章存鳥跡百年風雨蝕龍

皮摩半尚識宗周器題跋誰鐫蒙古辭却愛勝遊黃叔度孔庭懷古立

多時

白雲深處為天台趙時暉賦

幽人卜築嫌山淺真入雲山十二重傍岸野樵多矣路隔林溪碓遠聞

春衣裳露宿嵐光冷書畫晴蒸海氣濃極目為君思鴈蕩爛銀舒卷正

溶

朔州行送王汝璧太守述職西還

朔州城頭塞雲結朔州城下沙如雪赫連古戍白草枯一路角聲吹不

歇居民半是防秋兵十里五里屯軍營偏師夜坐烽火息飛輓小兒歌

太平王郎家世本靈武明目張鬚氣如虎羽林驕將不敢欺積糞人耕

好田土窮州十年多苦辛奉檄東來覲 紫宸長官知名

聖君喜邊吏有才能幾人遇 朔州城勸子一卮酒馬蹄明朝向山後

女墻孤月重相思定倚危樓望南斗

成化乙未元夕觀燈應制

萬歲山頭春月圓萬歲山下霏祥煙蓮花漏水盡一刻火樹百枝光燭  
天條風東來送新暖低颺星裘動黃繖九重金闕倚岩堯四面紅雲  
簇簫管慈闈更欲親承歡綵棚十丈空中攢隨山移仗不知曉應  
制還催供奉宮五朝故事傳來久樂與民同上元酒想豫  
先皇得衆心尚有燈詞播人口太平喜是百載過邊燧不驚天氣和古  
來張弛皆有道賞心一日非爲多

十二月十三日大雪

北風吹晴無片雪老農戚生窮悲土中細麥乾欲死方士結壇徒爾  
爲殘年一雪萬人喜

天子憂勤天與之長安貧者死莫恨記取當初望雪時

挽薛節婦監察御史爲

薛家賢節母身住瀟湖村老去霜春面歸來月夜寒孤鴻難再偶茲行  
自添孫不負生前恨金書照里門

卜築

頻年生計拙辛苦又移家未到新庭院遙憐舊月華時名只人後歸夢  
幾天涯銀漢猶明沒因風欲洗槎

著存堂爲吳節參政賦

悠三三十載一節不忘親推枕猶疑夢登堂若見人海桑初隔世風木  
幾傷神要識全歸意平生在立身

雨後絕句示小女

天井無沙潦水空臨流一樹石榴紅女郎學語驚相報幾辨燕脂落鏡  
中

題姜廷憲中書小景圖

雨落山前雙樹村石溪流水帶沙渾野人赤脚如歸鳥不怕春泥半擁

門

哭坦姪二首

兩地驚心最可憐，別來長夢抱兒眠。豈知一段青雲器，只向人間住八年。

慟指蒼天淚兩垂，海枯難盡竹林悲。牀頭幾卷殘書冊，一世辛勤付與誰。

誰

送徽州謝同知伯儀慶賀建儲禮成南還

郡綬驅馳不憚勞，又驚飛絮點歸舠。八方共喜前星耀，千里回看北斗高。闕下省臺通姓字，山中城郭候旌旄。因君不盡東南望，一片鄉心折大刀。

丙申郊祀齋居次陸庶伯太史韻

東風吹冷襲虛襟，芸閣西頭接羽林。上界疎鐘清客夢，廣庭明月空齋心。回驚舊壁題名遍，轉覺微官閱歲深。北夕園丘天尺五，擁衾時聽

屬車音

露下虛庭月滿襟，仰看殘雪覆疎林。久叨

禁直隨班尾，共誓齋明協

帝心。三宿夜分蓮漏水，一年春到竹宮深。題詩欲繼雲間陸，蟬噪終慚

海鶴音

次謝鳴治侍講韻

井鳥聲與柝聲兼，閣道頻將斗柄瞻。郊壇禮神春奠玉，齋宮清蹕夜傳籤。月中曉色驚先白雪，後寒威覺倍嚴。三日清齋無一事，水沉時向竹爐添。

慶成宴與明中舜咨聯句和韻

賜筵初及試燈時，一日風雲會。殿墀天靜漏傳金，箭迥曉寒春上玉。顏遲羽林扈蹕環千騎，宗伯垂紳正九儀。胡越一家同獻壽，八方誰道路多岐。

送刑部郎中陳德修還南京用張汝弼駕部韻



旗亭柳樹拂頽墻祖席朝來掃半堂廿載不知遊宦久一春偏覺送人忙東風似與歸途便流水何如別意長執手難留陳仲子錦帆回首正高張

送薛志淵御史隨都憲東公處置荆襄志淵舊嘗巡按其地

聖主臨朝重拊循襄樊行幕繡衣新一方喜入 皇圖遠十載愁聽捷奏頻好計公田收菽粟旋分官府闢荆榛土人半識招安使馬首山川屬舊巡

廣人黃昊久客于外夜夢二親自寫其像號其堂永思其父嘗為主簿

細草雙墳隔幾春天涯回首淚沾巾淒涼死別空成夢和象生容自寫真嶺嶠飛雲時出岫滄溟流水任揚塵傷心莫遣成衰落不負庭闈在立身

錢唐沈德自成化丁亥以來從家君征川貴山都掌之夷天從平江伯出鎮兩廣總督漕運清謹之操三度如一家君薦之始自從事爲選人平江凡七薦之乃自江淮衛知事改隸通政司於是薦紳君子無不嘉君之能獲乎二公也拜命言旋賦詩以贈

曾從川廣着征袍又辟江淮督餉艘舊業耻緣行臺富新名多逐薦書高銀臺已換簪紳貴玉帳應酬案牘勞莫爲官成心使得十年恩澤慶難遭

二月書  
三月十七日得王貢士寄來休寧臘月書馬亞卿寄來南京

客邸瞻雲思有餘忽傳門外送雙魚正當南北相望處連得春冬兩季書千里開緘如面對一番披誦即眉舒年來轉覺歸期緩日日經幃候起居

送蜀士趙顯章赴涪池訓導

涪池學有曹

卷六十四

一

之

薰風吹路鏗聲清行李飄蕭出帝城洛士自今霑化雨川人從昔有文  
名嶠函地接關河便秦趙臺危草樹平巽臺有刑知尚在好將蘋藻薦  
曹生

送克寬弟南還至茶菴獨歸

垂野陰雲一望迷送行愁問路東西不知幾日黃梅雨門外青泥沒馬  
蹄

賞心已負一年春野寺重來別恨新酒盡沙頭催上馬斷堤新草獨歸  
人

一徑棠花照水開可憐新病廢嚼盃早知別淚多如雨悔不臨岐盡醉  
來

題劉廷問舍人所藏夏仲昭太常晴雨二竹

太常醉搦管宣毫不寫李王金錯刀閣舍朝回卷簾處楚江風雨戰秋  
壽

宅依稀練水傍古墩幽竹自成行披圖却似身重到刺眼脩二鳳尾  
長

送奎文閣典籍許節之東歸

寧陽許君節之故閣老道中先生之中子仕爲奎文閣典籍博雅  
好文克世其學見重于孔林者久矣成化丁酉上京師以其先人  
卹典未備告諸朝獲有尚書之贈又於今閣老壽光劉先生締  
姻好焉君旣上顯其親下成其子將納祿于吏部浩然東歸劉公  
子鑑請予言道其行予嘗執經壽光館下樂其人爲賦古詩一章  
東山舊名家文章羨之子先人國鉅公勲德藏太史當年受推薦簪紱  
升孔堂日坐圖書府上應東壁光燭來走京師奏書折  
帝寵南宮下新制燁賞丘龍還思畢婚嫁館甥得劉郎官途凡幾月

冰玉相扶將人生天地間元宗似君少塵鞅不可羈拂袖一何早薰風  
日夕至滿路飛楊花都門戒晨發祖席臨水涯心知共月明千里一回

首良晤詎可期屬酒爲君壽

送戶部石宗海員外赴四川提學僉事宗海予同年嘗爲翰林  
庶吉士

徂徠家學未應蕪喜奉 新恩向蜀都  
臺舍威聲思按察玉堂丰采重  
司徒行臺曉月諸生試比屋春風五教敷  
相守不堪相別處暫留驄馬  
盡離酌

送中書舍人桐城何志廉赴南京刑部員外予較藝禮闈志廉  
實預事于簾內

郎中早發 帝城東健旆遙乘雨後風  
南部司刑千里別 中朝揮翰  
十年功何當把酌尋鄉好猶記篝燈宿至公  
從此魚書知不斷兩京新  
路輝河通

次南京錢學士先生入 朝之作時先生方有少宰之命  
十二年來出

帝關北歸仍立舊鸞班交南使節陳臨海江左文名庾子山簪紱又新  
池上 寵冰霜難老鏡中顏 漢庭欲下安車召楚水燕山路不難  
桃花零落舊玄都喜見腰金尚黑顛才藻自能當 萬乘筆鋒猶足掃  
千夫 禁中前席多需賈海上生祠半說蘇晚節從來須鄭重百年文  
運藉人扶

新安洪生通今鄭州守有約之少子鄉進士遠之弟而予兄汀  
州貳守克和之壻也來京師從人受春秋學日以成歲暮欲將  
往省于鄭且南還入郡學以候秋試其志可謂健矣道別之際  
賦詩贈之

綵衣遙向鄭州城書劍還爲故國行官邸冬温先季子京闈秋試待諸  
生匆立馬辭鄉文章傳觴媿館甥但喜家聲常不墜一門難弟又  
難兄

邀同館諸公賞盆池蓮

新秋團扇不禁風退直相期出  
禁東池館不嫌來結社水花猶有一  
枝紅

題尹正言學士菊

陶家莊子未全荒籬下西風一  
逕霜紅紫相看零落盡寒花只作舊時  
黃

題畫

蒼山茅屋歲將闌一卷書庭讀未殘  
落葉暗橋何處客杖藜來聽水聲  
寒

講筵命下甚愧疏庸不足以從諸君子之後輒賦一詩錄呈

舜咨侍講養正伯常二太史

天王重稽古文教被九寰濟三瓊龍徒終日奉  
燕閒自慚樗散質久  
廁詞林間一旦誤簡知許綴  
經緯班儒冠豈徒榮君德重有關格  
心古明訓志士亦孔艱况我本承乏何恃開天顏所幸同袍人逸駕難

為拔致身及此時淳風正來還策厲敢不勉

主恩似丘山

為柳楫序班題壽意圖歸慶其母

七十柳家母雙耳被華髮行步若飛鳧飄然有仙骨諸子數公權供奉  
庶幾闕回首夜何其天涼桂花發神娥海東至蕩瀟凌波襪皎  
青鏡  
中居然事修謁酒酣一借問滄溟幾時竭携手問清淺共拾蟠桃核仙  
凡隔塵水三山翠嶢屹可望不可親歌詩對明月

壽泰和王希誠七十

壽誠人籍文公詩三野

七十存齋叟尚書一令孫天開新壽域人羨舊清門  
蔭子傳家學封君

荷

主恩一陽初復候佳氣滿芳尊

西江多逸老季子獨超群仙授還冊訣家藏說玉文逢辰題甲子閱世  
等烟雲想和長生曲因風一寄聞揚文貞公嘗有

題玉堂散直圖送吳汝賢修撰省覲還闕

金殿當頭玉堂署十二朱廊隱宮樹衣冠濟濟堂中人猶似前時起居  
注門下斜連金水河石橋五壘橫蛟鼉扣閣不許外人到扶冊時見諸  
王過奎文上應圖書府插架連籤照今古同遊恐是十洲仙下界紛  
半塵土邇來新 詔開中堂儲材 聖訓何洋洋日令三館坐羣彥應  
制往 催詩章從容退食龍樓外松下傳餐解簪帶光祿之酒大官羊  
終歲天厨有佳饗宮壺卓午漏未央旭日半下城西墻出門跨馬一分  
首緩步不知歸路長老璫如能解人意慣識青衫閣門吏幾回爾汝笑  
相嘲何幸相從禁中地我居史館今十年碌 追陪叨俸錢就中却愛  
吳汝賢才氣迫出千人先承 恩謁告辭 丹宸綵服輝 照秋水何  
人爲寫玉堂圖天上風光動桑梓我思古人不可當身在江湖憂廟廊  
君是八閩奇俊郎一飮之際寧可忘君家二老俱無恙莫遣文章負  
今上朝 散且定思君早起歸家拜 天仗

題安城彭學士山水圖

何人結屋青山裏終日開窗見山喜近峯錯落走簷牙遠岫蜿蜒插天  
嘴澄江一道山前過短樵平分浪痕破船頭水氣綠侵衣載酒高人面  
山坐石泉下衝沙渚渾桑榆接地成深村柴扉欲扣不可到或有細路  
通雲根竹鶴老人名画手半幅生綃大於斗水分山斷意無窮目送飛  
鴻度江口安城先生塵慮脫南望鄉人楚天闊高堂永日對山歌蕭  
涼風起蘋末

皇墩程先生文集卷之六十五

詩

齋居有懷李賓之侍讀次街字如字二韻

月明人語靜天街一樹松毛舞亂釵高論誰翻巫峽水相思如隔葉山  
厓百年散地堪藏拙三宿齋居漫寄懷獨幸太平今有象南郊春意十  
分佳郊在前祈雪新歲人日及  
郊祀之夕皆晴明故及之

瀟洒仙郎玉不如春來多病想離居賡酬未覺詩禪定笑語偏驚墨妙  
疎齋舍月明燈暈小巖城風靜柝聲虛知君此夕應無寐起望星垣候  
屬車

羅明仲以所和謝鳴治枕上有懷李賓之一作見示倚而和之

西齋涼夜月生初二妙詩成一枕餘春谷芝蘭香鴈蕩秋空冰玉倚匡  
廬寄聲白雪來青鎖落手明珠動綺疏讀罷悵然思短李平生交好最  
知予鳴治天台人明仲吉水  
家有人冰玉堂故及之

正月十二日慶成宴後有懷賓之用鳴治紅字韻

賜宴歸來醉頰紅故人清卧曉堂空聯珠似覺新篇少倚玉猶懷舊席  
同看有才情翻蜀綺病回風骨挺湘筒一年燈火西城近無限相思月  
又中

宴歸忽思明早立春再一日元宵矣節物驚心為之憮然偶成

東倪舜咨侍讀

又陪郊宴戴 息回不覺春光次第催熬禁未燒千炬燭鳳簫先動六  
葭灰喜逢今節添新歲恐落 明時數棄才欲向同人歌老大陳根已  
負十年培

舜咨有詩見答再用韻復之

春去如流不自回駑駘無力可鞭催風花近日多新稿簡冊何時拂舊  
灰十載閒官真負 主八行明詔欲儲才支言敢恨知音少一寸心田只自培

送陸文量駕部出使河南次留別韻

曾接芳鄰會一茶蓬門長許故人過郎官標格晴翻雪內史篇章醉吐  
霞明日又攀東郭柳當時同看上林花春風聯佩相思地  
玉陛鞭聲散曉鴉

凌季行鴻臚索賦清懶詩

不受黃塵點 賜袍 朝回長卧日華高客踈幸免逢迎禮官冷那知  
案牘勞勝地春風閒謝屐異鄉秋雨溢并刀等閒却有難忘處淪茗催  
詩夜續膏

題李世賢大史扇

浦上南風急漁舟破浪還不知離岸遠時見樹頭山

分得知字送文公十世孫燉襲翰林五經博士歸奉祀事

長河發秋水白日吹涼颺冠蓋集都門把酒與客辭緬懷紫陽翁耿二  
百代師雲仍襲簪組乃在休明時夫君抱奇服承 恩固其宜考亭渺

何許孤絕天南涯喬木上參天下有先公祠君歸拜家慶燿若階庭芝  
大賢本不死冥邈諒有知翹首北來鴻車行勿遲三所願崇正學慰我  
長相思

送提學戴廷珍御史考績還南畿

離旌動朝旭憲節飛寒霜使君有遠役驅車上河梁夙昔金蘭交念君  
才且良南畿數千里弦誦聲琅三來荷

天子恩去慰諸生望君家大江西經學聞四方敬承久不衰顯擢殊未  
央古人過化地名與江水長分岐意無限再進黃花觴

輓王瑞給事父

屢辭公府薦贏得隱居名水石夸王令江湖繼陸生無方堪却老有子  
解推紫小茗山前路行人亦愴情

三月一日壽楊司徒夫人六十

家聲自東魯門對重關西象服搖蒼水鸞封獲紫泥晚春開壽域遲

日麗中閨想象稱觴處仙人餽雪梨

攬鏡顏猶壯盈簪髮未疎壽當初度起春入二分餘君子歌借老兒孫  
奉起居蟠桃親手種喜色照庭除

題張修撰養正所藏王舜耕山水畫

山東老人王舜耕平生與山如有情左塗右抹何草三却似真山被山  
惱山西太史留侯孫愛山自謂山可殮坐中忽有青萬壺終日仰看三  
不足我來把玩未始奇真山假山遠莫知天風慘澹動林壑浮嵐積翠  
空淋漓斗壁飛流下深樹暗響潺三不知處兩崖中斷一橋通誰結茅  
廬傍山住老人一去何嘗還太史心曾如此山題詩不盡畫中意夢落  
齊州蒼翠間

夏日偶成

瓜頭果葉未全開一寸新根蝕舊苔閑上小樓看雨脚不知青蔓過墻  
來



畏樂菴爲傳曰川太史乃尊賦

不辭提甕灌山畦繞屋江聲似井溪却笑永州憔悴客壺觴終日嘆羈

栖

靜對蒼山閱歲華人間何地着生涯繙書忽到無言處陋巷春風自一

家

題常州卞六行樂圖

素純衣摺皂綸巾不受長安馬足塵香繞鹿車秋未老勝遊知是惜花人

苦雨漫興

久病朝籍未通名雨窻且得卧天明 御街石路光凌亂坐想諸公把滑行

青裾白面掃晴婦馮仗精靈格上穹黑雲西上雨脚退針線女兒爭奏功

坦菴爲鄧州訓導胡直賦

隨分安居結數椽出門何處不堪行知君已得義經趣眼見高門棘刺生

泮鄰書屋爲會稽處士賦

處士家在秋風浦之西泮宮之東故因以類其居二子曰雲丙子貢士日

進士辰

堵間事埋築賈肆競刀錐擇居苟失所媚學將從誰所以子孟賢毋三從泮宮涯千載有楊翁橫門久樓遲誦法子車氏有家學東陞杏壇藉餘陰芹沼分清漪緬懷鄒魯風禮庭時一闕歸來課諸子肅容坐皋比日夕弦誦聲互谷相吾伊居然二雛者成名皆在茲科第固云好德性能自持坐令環堵宮永作歲修基斯人去已遠家訓凜不衰芳鄰接孟氏此語非夸毗我歌泮鄰詞秋風有餘思

題鮑棠之通判所葺四景亭

遠桃舒淺紅獨柳蔭餘綠烏捷何從來駢首度川曲春波浩沍好雨

夜初足憐此畊力疲田翁能羈束

山榭葉如斗負此大石傍特号喘何急徙倚南風凉子牛卧弗起似戀

青草長安得伴樵牧留連至斜陽

農事早登場散牧清溪許迎風或長鳴已忘力田苦出門認紅樹對岸

饒青莽日晚欲收欄橫吹隔深塢

晏歲風霜多潮氣動墟落畏寒老穀棘引犢屢前却霽三向陽坡梅花

點放萼養力待春來郊原事東作

次韻蕭文明給事元日早朝之作

綵鞭聲裏曙鴉稀劍佩森拱太微日射御林明繡袞雲回

鑾輅見青旂鴻臚立仗傳三呼馬監隨班鞚六飛曾記昔年叨侍從起

居長許近皇闈

陪祀南郊借尹先生往歲扈從看牲韻

紫壇中夜肅無聲玉趾親來薦璧聲華蓋雲垂如盼嚮行宮塵逐自

屏營九韶迭應鈞天奏萬燭高懸禋道明陪位禮成因此望

帝星當戶泰階平

次韻李賓之侍講慶成宴上作

門宴分行首從宮內前隨例奉宸歡木聯錦獸晴偏見漏咽銅龍午

未乾羽戚兩階成化久風雲千載際時難柱坊敢負平生操漢策分明

戒史冊

上元日承邵文敬主事請遊神樂觀次韻二首

南郭春風引瘦驄上清元不受塵蒙鶴因看院留當戶鷺為求書畜滿

籠賭令歡呼拚一醉彈碁消遣任誰工興酣頗愛青天曲隔坐還思喚

舞童

曲廊深處縮吟驄招致群仙我亦蒙院靜不聞清籟發壇高時有翠雲

籠一春宦海乘多暇何處燈山說最工更欲早歸尋舊管城高樹遠

重

剪燈歌元夕同年傅商佐主事家席工作

上元燈火如繁星九衢闔靡流晶熒就中一碗最清絕炯然獨照郎官  
廳都城好事爭來看苦心每為良工嘆并刀剪碎藤溪方直縷橫絲眼  
中亂海市樓臺初隱霞諸宮人物紛如麻天孫夜開機上錦魔女曉散  
空中花態真意遠不可了此藝從知古來少頗聞令愛手能續何得兄  
家擅天巧寒窻有女方十齡欲遣從之愁未勝小弟長慚負奇賞先請  
為兄歌剪燈

傅家麵食行

傅家麵食天下工製法來自東山東美如曾酥色瑩雪一出入口心神  
融旁人未許窺炙釜素未每自開蒸籠侯鯖尚食固多品此味或恐無  
專功并洛人家亦精辦歛手未敢來爭雄主人官屬司徒公好客往  
尊壘同我雖北人本南產飢腸不受餅餌充惟到君家不須勸大嚼頗  
懼冰盤空膝前新生兩小童大者已解呼乃翁頭君飮飯常加豐舊我

醉携雙袖中

琴月齋為姑蘇顧君賦

子夜群動息虛齋敞前楹美人耿不寐起弄朱絲繩肅天宇高壁月  
流晶閃霓裳非雅歌叢桂多古聲幽懷浩然瀉紛二竟何營

畊讀為建昌士人賦

古來業詩書守分樂田野緬懷有莘人感激千載下畊讀者誰子若與  
世情寡朝出向隴頭一卷書在把莫歸聲吾伊隱映粉榆社漢庭日選  
士孰是力田者願見書有年幽風續周雅

送陸克深員外知叙州府

翰苑曾通籍祠曹久綴班片符分馬重雙轂映朱戟具服朝辭  
陸嚴裝夜出關親友開祖道遠役壯離顏蜀嶺烟嵐匝瀘江雪浪頑傳  
餐迎驛吏過鼓拜溪蠻祭戟通公解茶盃擁市闌升堂延俊造入境問  
侗獯僻縣經過少高齋案牘閑奉宸瞻北斗懷土夢東山宦海嗟行

住詩郵足往還來 朝應可冀弱柳未須攀

次韻倪舜咨侍讀省親南歸留別二首

曉日河梁又送歸 畫檣天杪見魏 賜金喜爾重供膳 密綫慚予屢  
換衣南浦一番春 草茁西山隨處暮 雲飛燈前久辨寧 親疏不向同人  
惜暫違

柳梢春色未全勝 別路危闌一共憑 交味似便醺醪酸 離腸難斷輓韁  
繩名高 講席 息偏荷喜益親庭 壽屢稱忠孝 想君心力健 逆歸應  
不待河水

次韻羅明仲洗馬新春緇閱經史之作

是非千載若為評 出處當知不異情 仇薛未堪興禮樂 管商何得擅功  
名 飲餘安樂春風暖 夢覺空同夜氣清 此境與君能一到 人生方不愧  
軒輿

非近代情詞多逸響 自古來心學有餘輝 平儒效收公手 淺薄終慙負  
衮衣

會昌雪亭公子許雨中移竹詩以訊之

八尺庭除半綠苔 一春無意買花栽 幾時憑仗連朝雨 分得青鸞數尾  
來

春雨應制

密雨起東郊 霽覆高閣條 風一流轉好 雨應時落冥 濛浥街塵頃刻  
滿 城郭坐見西北山 千里翠如淪 粼玉池水號 聲赴壑 微虹隱木  
杪 生意動花萼 由家方播種 喜氣欲騰躍 行看土膏潤 不畏溝塍涸 龍  
德普所施 預想秋大穫 仰首謝玄功 對物有餘樂

張公子行一首送太倉張漢南歸

張公子留侯孫 少年丰采如香蓀 讀書擊劍窮朝昏 海邊甲第開轅門  
堂上將軍不好武 千里歌吹聞兵屯 平生陸家親昆弟 託好願比朱陳

村有女近出職方氏輦金輿幣來求婚職方擇壻正復爾械書許聘情  
何惇張公子佩赤璫刻絲袴褶懸兩弭去年跨馬入京國一見笑語回  
春溫畫堂紅燭謝家慶整日開燕判羊豚新郎二月發歸思行李賚送  
聯征艣插河雨過沙水渾旭日半下東城根柳枝未堪把勸子白墮尊  
人生歲月驚濤奔他時富貴豈足論冰玉相輝古難得忠孝莫負  
君父恩

送雲南府學司訓高宗禮

昆明池水隔天涯萬里西行喜過家莫嘆青氈清似水文風今日似中  
華  
行人無奈歇征驂儘與朝紳接笑談他日重逢知未老內庭供奉亦何  
慚  
煩寫新容出鏡臺少年衰陋本中材遠人若問程宮講應詫君曾識面  
來

高君宗禮蜀之會川人起家儒學而出其餘力以寫真妙得蘇子之  
說其待次吏部也薦紳樂與之遊既得雲南府學司訓行矣而為諸  
公挽留者兩月予亦雅善無可為別賦三絕以贈之

送鄉人吳之寬南歸

暑月終南訛靈風動西灝季子江上來言旋亦何早今年霖雨賸九陌  
積行潦憐君千里外淨若水中藻坐與親朋俱客舍靜逾好妙指高山  
曲細字浮溪稿有時扣我門譚吐亦傾倒依一鄉土情忍別縈懷抱開  
舟潞河許策蹇長安道因君重回顧家山有遺老竊祿十載餘

主恩空浩一何時許歸覲看穫江南稻練溪拖晴雪屏山對蒼昊階庭  
倘休暇相期共幽討把手各西東停雲下瓊島

吳碩之寬世居休寧之璜源讀書工琴有聲江湖間成化丁酉春偕  
僉憲婺源汪君希顏上京師希顏之內之寬之姊也相與僑居都城  
外凡月餘時積雨彌旬之寬足不安出而數辱見過又假予所藏阮

達浮溪汪公之文手自傳鈔亦可謂質美而好學者哉未幾告別南歸因念予自壬辰以來欲為省親之行者屢矣講筵史局勢不敢以私請故送之寬而有望雲之思焉

送蕭文明給事持節冊封唐府得承字

潘封遵舊制

天語重親承玉節龍垂綽朱函鳳結滕使鏡聯紱并行李却金繪翰墨心偏健舟車力更勝王孫加體貌官吏足聲稱永日花明驛南薰來蔭勝觀風臨消水懷古望春陵封事思晨入嚴程戒夙興繁選應幾月青瑣候良朋

陪祀西陵昌平曉行

雨淨關河不受塵一時吟眺薄秋旻樹頭黃屋如看画馬首青山欲近人

道中偶成

望西陵近松陰石徑分倚闌觀瀾水下馬蹟碑文寢樹香秋吹橋山出暮雲野人懷帝力歌頌道中聞

夜半出山

歲事下西陵歸鞍趁月行松林人影亂石罅水聲清不覺山程遠推便野望平臨風歌一曲秋思滿空明

題李太史世賢梅花圖集古

四山多風溪水急杜工隴上何人夜吹笛王右幾家春夢未知回寇萊起傍寒梅訪消息李大宛然姑射子頤方瀟洒在風塵李太北人初未識王介疑是弄珠人王適西湖處士骨應槁蘇東沈雨梳風為誰好秦游呼兒覓紙一題詩杜二相對真成被花惱黃山

克寬弟南歸小詩二首奉簡淮陰驛今林文秀內兄休寧上舍

汪汝温親契

舊榻凝塵歲屢更秋風一鴈又南征弟兄離合情無限萬里淮天共月

明右簡

南望家山有所思十年誰共菊花卮不堪遠鴈傳書處又是重陽送別

時右簡

### 題便面小景

相看是何境鶴啄松根苔道人一揮袖天末海風來

### 穀菴為吳醫沈公美賦

沈翁隱侯裔素醫而好儒有方不自秘云是滌泗書繞菴播嘉種歲  
勤蓄畚平生活人手存耒七十餘種穀如種藥心與造化俱豈徒一身  
飽固欲周鄉閭時今菜色者一半回敷腹永懷居樂翁慨彼肉食徒安  
得味斯語仁壽躋寰區

### 蒙巖為常州邵士忠處士賦

蒼巖何巍壁立倚晴漢中有一泓泉浙瀝下巖半緣蘿水簾瀉觸石

星珠散紆回坐成池隱白虹紫巖栖者誰子跬步得幽觀傍徨此水  
側日夕味爰爇然生道心舊染如濯盥不學蒙園叟偶爾事空玩養  
正思古人因之重三歎

### 題尹性之御史所藏周文靖竹

周郎識此君落筆琅玕長居然步相皋翠袖忽兩相將舞回鸞勢欲  
凌波往平泉與危石轉折助清響坐令俗耳淨遠覺煩襟爽亭吉甫  
孫霜臺絕塵鞅晏歲凜相盟虛心愜終賞

### 送玉司訓之任豐縣

父兄留得舊檀青子弟終能守一經博士隨班承 寵渥諸生開館候  
儀刑到時俎且陳宣廟去路河山擁漢亭想共令君談政教化行歌頌  
幾時聽

馬邑王君鉞其先子魏嘗教于河間歷官大名郡守兄鑄嘗教于新  
安近為國子學正君得諸家學者有素而屢弗利于秋闈遂被例出

教豐縣予故家新安而宦居河間於君父子相知最久於其行不能  
忘言豐之尹田君良故嘗教于三氏學亦於予有一面之雅因詩及  
之

張汝弼駕部求椿庭詩寄其兄

貽謀能是守株人東海家三說異椿臺上古陰回夕照庭中新幹薄秋  
曼衣冠幾葉能詩禮堂禱當時亦與輪張仲平生知孝友連枝應願八  
千春

分得元君丹曰為安城李珍賦

石曰深長綠芸土人猶說魏元君金銀氣逼清宵見雞犬聲疑白晝  
聞九轉誰磨新歲月六丁長護舊烟雲盤中李愿幽棲近日讀黃庭幾  
卷文

送汪希顏僉事改任湖廣

昭代重提刑移官及壯齡楚人知約法漢吏本通經入境多供帳分司

落張痕臨岐珍重意公知春  
君恩



篁墩程先生文集卷之六十六

詩

送張汝弼駕部知南安

吾友人中龍落：張東海起家兵曹郎回翔十餘載竭分五馬符袍帶  
荷恩改迢邐南安城橫浦一川滙知君足儒吏舉筆見丰采想當行  
縣時江天凍雲駿百丈大庾山梅花燦珠璣寄與詩來都人正延待  
東海嘗爲予賦晴洲已而失之云有稿在以行遠不暇檢許付其子  
新安貢士弘宜以來因詩及之懼其忘也

三樂爲晉陵胡叔虞賦

落：媯公孫遠有叔虞子處世寧無才平居不干仕一觴與一詠顧我  
方樂只此身非草木有生胡弗喜而况得爲男已歷好年紀興來鼓三  
終所得亦云侈茫：天地間豈不解同是永日行長途沈酣未知止千  
載鹿裘翁見取尼山氏長歌念伊人迢遙隔州里

題黃帝廣成子問道圖

憶昔廣成子講道崆峒山抗顏為帝師相與煉九還坐令千歲人綠髮  
而朱顏一朝乘龍去下顧悲塵寰藥鑪莽猶存逸駕不可扳茲事傳已  
久無乃空投難靈均賦遠遊竟銷泪羅灣鄒訢注參同契莫逢萊班我  
讀古仙經一一度且慳或恐妙契者不在文詞間靈洞何幽鼎湖亦  
潺勝境雖足愛賦子誠踈頑

尼山高一首壽闕里孔公伯處士公伯處士明伯也

尼山高嶙峋千年孕此大聖人一去聖澤新雲仍玉樹何振公伯  
先生號賢者韋布不沾京洛塵生時分直祖庭檜在并于今六十春蒼  
髯勢欲凌秋旻朔風吹地才一日先生笑坐開芳辰戲綵兒孫行遶身  
携壺陸續來親賓崧高一紙馳獻壽知有內翰聯佳姻新詩在眼酒入  
唇先生陶然岸烏巾家山喬水色不改百歲願作無懷民

琴鶴東人為廣人何式之賦

小攬山中盛丘壑獨有幽人恣行樂坐間時弄七絃琴到處還隨九皋  
鶴春波澹蕩風日清耳畔忽聞環佩聲古人雖往古音在坐使一川魚  
鳥驚石徑盤回絕塵侶砂頂昂巖縞衣舉幽人鼓掌一和之萬里閒雲  
自容與君不見蜀川太守報政成一鶴一琴隨馬行又不見義山詩人  
殺風景煮鶴燒琴對佳境幽人不求祿二千幽人不賦西崑篇祗與雙  
清作東道見者一任襴何仙燕歌趙舞人爭愛畢竟誰賓復誰介何如  
琴鶴共平生清譽長傳嶺南界

歸田樂卷為彭彥充儀制賦

拂衣何太早人惜漢彭郎許國身猶健還山樂自長分泉栽杞菊升  
龍看牛羊莫和陶翁句長歌與世忘  
蒼雪難侵鬢紅塵自息勞高眠穿北牖舒嘯入東臯又辦青山履初嘗  
白社醪海鷗機事少應識舊儀曹

春坊齋夜追憶舊時在翰林東署與諸君子喜雪焚香聯句之

作奉簡亨甫鼎儀世賢三太史

齋榻遊塵淨 宮城刻漏殘不知芸閣夢何似桂坊寒旅夕爐香在經  
春雪意難同袍應念及燈火舊詩壇

藻軒為錦衣千戶吳孟章賦

將軍心地清如藻小結幽居遠六街倚榻高寒疑近水閉門空翠欲親  
階擷芳曾過黃泥坂寄傲難同畫舫齋聖代只今需補袞知君才副  
九重懷

送延都運六十致仕得何字

金帶朱衣拜 寵多乞身寧待髮雙瞳民思久繫棠陰爰國計新饒海  
上醴白社預鈔裁菊譜滄浪隨唱濯纓歌不知勇退青雲士屈指如公  
得幾何

挽胡孺人 刑部黃員外文琰之昇

髮絲初覺早霜凌豈意年來不自勝蓬壁尚疑聞夜行蕙帷那復快晨

興推 恩子望新鸞誥 惜老人傷舊鴈緡寂冥神闔山下路一丘松栢  
鎖寒藤

小兒彌月承羅洗馬餉鶴歌以答之

仙禽一夕乘風至清氣朝來滿庭次見客馴然了不驚學舞時 鼓雙又  
翅丹砂入頂色猶淺一聲更有凌雲思我家生男一月餘每遇高人出  
相示皆云骨相如長郎坐上啼聲已堪試犀錢玉果競相投隨俗惟應  
悅姬侍司經大夫公遠後輟自潤筆來相贊謂此鶴齡千歲長眼中定  
欲徵君嗣大夫久作瀛洲仙許我平生可同志頂砂疑是鶴前身令器  
而今已三四松陰永日和鳴各翬羽開祥豈無自乃知此鶴最宜人茅  
君本號還丹使山雞野鷺竟何有大籠滿貯長安肆中年不顧摩好爵  
看鶴生孫乃吾事兩郎他日弄雛成再拜還對大夫賜洗馬額有朱志  
之

奉 詔儲材卷送翰長王謝二先生

館閣諸材自

祖宗兩公承 詔任陶鎔南朝世譜衣冠盛西掖官聯雨露濃瑞應奎  
光開五夜功期文史足三冬不知此夜門墻下多少英賢賦  
九重

蘭竹圖題贈蕭給事文冊乃郎赴秋試

湘皋春婉婉居然見雙清幽香下覆之翠條仰而承高石既磊砢新泉  
亦泓澄臨風况君子去住有餘情

送李士欽尚寶持節冊封楚府次沈廷美韻

曉承

天語下丹青周室班封四牡勞同姓地分南岳重殊方人仰北辰高  
朝廷近侍傳司璽江漢風流擁使旄預想過家歸路便朱門喬木映宮  
袍

送王昱知榮縣

幾載儒衫困一經除書新捧下 彤庭遠趨蜀道三千里上應郎官十  
五星醫舍秋風興士子禽田春雨勸租丁政成他日蒙推薦尚及才人  
兩鬢青

送董子仁給事出使琉球

萬里乘槎羨董生手持 龍節氣嶢嶢遠憑

主上班息到坐使陪臣謝禮成番贊不收沙上市粵船長下水邊城知  
君可副中朝望一寸心隨漢月明

清明謁西陵餞昌平劉奉祠家次韻李世賢太史

何處同君寄一餐昌平縣裏舊祠官停驂已忘征途倦撫景惟慙得句  
難百碎分班朝 太寢五雲回首認長安行人盡說清明近不似常年  
節氣寒

二十五日朝陵次世賢太史

二聖仙陵隔路收松林燈火夜差池中天絳闕長相峙夾道蒼山晚更

奇地迥易看星次轉天寒不覺露華滋一年一度陪駕侶清廟無才續  
舊詩

謁陵遊九龍池八首

渡石礮

驅馬渡南礮水清且駛蹀躞未肯前磊磊青石子

問山下路

尋源悵何之渺入荒野衰回灌莽中偶爾遇樵者

谷口聞雞聲

隱谷窮處雞犬如隔塵下窺見墻屋知是五陵人

石田分浸

石田如畫局山溜細通塍點點鳧鷖白亭亭蒲稗青

九龍池

山脉貫龍腹山隨出龍口九道下成池千年溉靈園

石壁

池東立石壁凌削不可捫頗疑天所造鬼斧尚留痕

池上峯

蒼然百丈峯峙此一池側遂令活水源長含太古色

飲龍口泉

斟此沆瀣汁清我塵土心臨流不能去山風振衣襟

成化戊戌四月十一日

儲皇御左春坊敏政進講大學首章退宴文華門十二日

上御經筵敏政進講中庸第二十章退宴左順門感愧之餘賦此呈

同事諸君子

小臣蹤跡本踈慵來職情知不易供才向儲闈傳大學文從

宣室講中庸朝行輔德須耆俊家法崇文自

祖宗尚食屢饗無寸補百年興運愧親逢

六月廿八日大雨赴齋所

黑雲連陣雨聲寒騎馬蕭蕭向掖垣平地急驚成海子御溝全似瀉河源擔夫沒屨猶探路從吏篝燈不到門小坐未眠聞屋漏旋移齊榻過前軒

廿九夜晴

太廟陪祀作時王惟臣詹事劉希賢汪伯諧二庶子鄭瑤夫羅明仲沈馬俱以疾在告

連朝陰雨一宵晴百辟相歡仰孝誠鶴馭自天來九廟衣衣成禮及三更迎鸞樂向門前奏扈蹕人從樹裏行儲輔近來多病渴叨陪獨幸夜通名

七月十七夜病起露坐偶成

古樗搖影屋西山獨坐空階月上環遠杵數聲秋律應明星一點曙更閑道心儘可消官况微堪慰病顏千里故園歸未得不禁征鴈翅

風還

是日予賦此詩意勿不樂夜亦不能寐後一日得家書知三弟不幸乃知骨肉至情相關如此

送程醫官詩

祈門程昂故韓府長史孔著之孫今河南大參用元之子與予同出忠壯公譜雖疏而劣予為最長也昂幼讀書業舉而尤好醫遂被薦為其邑之醫學訓科蓋鄉人在京師者無不喜昂之克自立也昂將便道之河南省親而後歸其鄉過予言別時予方得用元書求記兩夫子之新祠因賦古詩二十六韻而并道之

當年傳

韓王文行推爾祖近來佐雄藩老成羨而父之子當妙齡不與眾郎伍匪徒趨禮庭更喜遊藥圃時出應人牀篋多告愈朝被掄薦千里來自府公試迥出群官名入銓部青囊一編書居然襲簪組伏

主恩奉檄返鄉土謂我亦宗丈朝來扣蓬戶自云將啓行臆懼向河浦

省親方就祿征途不為苦程本大族家南北舊通譜恭惟兩大賢家在鳴皋蔚寢堂聞漸衰眼底賸榛莽而翁獨行縣時能作祠主慷慨為眾

工彷徨走丞簿輪奐一回新燕賀響鐘鼓願欲得子銘盛事傳永古子  
行道祠下再拜奠觴舖油然慈孝心冥祝多祐從來活人手亦足踵  
前武都門開祖筵董嵐霽新雨視子真可人濯好眉宇勉哉亢其宗  
謹勿失繩矩餞行賦長詩爲子一揮塵

送陸處士還太倉處士太史鼎儀之父

老人住海上高隱不出門一朝念遊子乃駕北來轅南風吹塵淨忽  
止行軒遊子迎再拜喜極不可言是時子方貴執經奉

儲垣 朝回寡人事退食多公殮老人樂茲養心志靜不煩秋氣澹欲  
來中宵夢丘樊呼兒整婦權回波浩沔逆駕旣莫拔爲壽奉酒尊頗  
聞老人語去注非所論願兒崇正學不愧宣公孫到家應幾時及此芳  
桂繁望漁樵侶悠水雲村豈獨相勞苦而不知本原古來慈孝心  
坐便薄俗敦我歌送執事典刑諒斯存

輓董尚矩編修父母

空者夫君說最良忽捐招隱操空貯活人方斷簡藏家塾殘碑  
空場由來天報德 馳贈託名郎

携雙稚子孤月幾回秋綵服時經眼珠冠老上頭院松終抱節庭草  
忘憂太史應裁傳千年重女流

追和江東之學士留寓南京上新河徐氏園亭之作

留寓得林垌潭疑宿慢亭禽聲翻角徵山色中丹青雨竹驅塵淨風花  
又夢簷主人能解事終夕候文星

借住新河口雙扉逐岸垠水花堪索笑山果得嘗新暫謝催文時迎  
載酒人乘涼多竹樹隨意脫簪紳

明月幾回團幽居體自寬綠醅時解困白苧晚生寒喚客彈琴子看人  
把釣竿年來通 禁籍回首憶清歡

送祁門周仲實赴趙州學正

南風捲地吹沙塵落日東城辭故人來趨禮闈黃卷苦去主州學銅章

家江南任河北浩氣稜：面腴色登車不畏征途難問宿何須路  
趙州古多才傑士慷慨遺風尚何似春秋書法可與言即此上報  
子勸君卮酒贈君歌亨衢白日青雲多蘇湖遺教尚可復功名老  
蹉跎

送張太史養正陞都憲巡撫宣府

北邊重鎮稱宣府一帶關河控殘虜鎮朔長屯大將兵節制還應屬巡  
撫中之人今幾年受 詔臨戎已三五

聖明不喜文去吏特簡儒臣付斯土張君堂：七尺軀生有奇才濟文

武近侍初聯鳳閣班又擅雞林賈時從 經幄講唐虞正色稜：

似文虎事功直欲追前賢螺贏雕虫底須數人言國士可無雙書劔相

傳自其祖一朝果被 九重知冠豸腰金佩長組想當跨馬出行邊先

事澄清後戎伍千倉有畜問陳紅百里相望看樓櫓守臣戍帥總郊迎

味首聯翩負前弩蒐田尚接金蓮川弦誦遙連赤城鳴威聲早已罷峰

燧號令誰能易旗鼓丈夫此行亦快哉好在邊人悉安堵愧予與君最

相得半生不脫儒生腐置身豈合在公卿開口徒能論今古喜君大用

夜忘寐恨不狂歌對雞舞平明載酒送君行祖席薰風動南浦願君當

此得志秋莫學人嗟守邊若幕府重期老范謠家聲再續留侯譜功成

復入漢庭來 漢庭來

帝衣終須待君補

追和江翰長先生上新河徐氏園亭病寓之作

徐家亭子楚江東蜀客來尋一逕通坐下清泉消滌暑門前喬木倚晴  
穹儘多醉興歸詩裏那復閑愁着病中更是可人翹首處鍾山如畫繞  
皇宮

送何惟一御史赴雲南按察副使

才騎驄馬隔春回又領除書遠赴臺萬里王程勞跋涉十年交誼重裴  
徊即看憲府威聲起曾是詞林教養來後會有期君正健不將離恨薦



離杯

會總庵和謝鳴治侍講乃叔寶慶太守君寄來韵

半山喬木護空菴  
眞掃來頻尚有嵐  
諸謝家風今荆左  
老蘇亭子舊川南  
已應宗法千年立  
何止親情五世覃  
考室詩成想賢守  
幾回歌罷又開緘

題碧桃便面

省識霜春面何因  
出鏡中暗春吹不斷  
掌上舞回風

題張養正都憲小畫

柳岸頻收網魚粗  
勾納官晚來風浪急  
却在把篙難

送戶部趙禎主事奉使使道省其大母

重闢春取水手教一  
孫成故里王程便  
新圖壽域明家人  
占鵲喜堂客羨鳥  
情會取官綾誥馳  
封到祖名

戊戌清明謁陵宿齋所次韻江翰長

兩日向山行春深野望明  
寢園同駐馬陵樹不聞鶯  
寒食驚時過清齋  
候禮成歸途應便好  
星斗夜縱橫

歸途次韻

謁陵歸尚早行李向來輕  
比闕看將近東方  
啓漸明群鴉驚客散  
一馬朔風鳴裊垂楊外  
新煙動夾城

送鄭洗馬赴南京太常少卿

法從年來屢奏功  
此行爭說薦書公  
舊都南北舟車便  
原廟春秋俎豆同  
喜奉慈顏開壽域  
却勞清夢繞儲宮  
重來未覺霜毛盛  
看續西京白虎通

早秋遊城南宗家園亭次韻周伯常中允二首

宗老當時喜種花  
至今池館壓堤沙  
蒼顏一去成塵土  
白日重來感歲華  
多謝諸公同駐馬  
却憐猶子解持家  
高城暮鼓催歸急  
不得臨風負一瓜

惜：殘暑逗輕紗馬入南園識舊家隣釀旋分燕市酒土宜時供歛州  
茶田苗有雨秋初熟林影無風晝不譁我已分爲東道主請君隨賞四  
持花

送王廷貴祭酒先生考績還南京

高皇定都日首事在國庠青衿變左袵木主開中堂慈運今百載弦誦  
聲逾長先生晉陵彥手握司成章抗顏曾幾何還職來

帝傍館閣多故人鬢髮驚蒼浪平生相慰藉講下無留良承

恩復南轅頓首鮮明允望：雞鳴山奎星夜垂芒願言崇令德舊輔登  
巖廊

晚香爲太倉陸處士作

鷲行老不衰有美陸仲父平生得高趣卓爾在秋圃群芳坐銷歇黃花  
正紛吐凜如千歲夫歲晚節逾苦宵寤林亭間相對傲風雨慷慨陶徵  
君遺踪未榛莽亦有韓相國功名照千古出處雖不同景行吾所取易

湯未流中誰能立孤柱千里聞德馨相思動吟塵

送日者方生還龍游

方生談祿命往：不受金謂是五行理豈易鉤其深我知據所得稍  
從規箴貴賤有天定中否非所任子術誠若斯子道良足欽曲學以阿  
世悠：覺何心

題雜畫一

一 青山寂無人空波澹流水垂楊不勝春搖：蘸清泚

二 涼月滿荒原長空白露發鶴來踈柳下倚杖欲何言

三 落木凌秋下青山對面開澄江可消酒隨意放船來

四 夜下竹林灘水平船不動倚棹醉眠人襟懷浩難共

挽彭處士夫婦彭子監丞

隱君元是彭仙後一日凌風去不回寂寞王屯坡下路杖藜誰復聽松

來我愛梅邊最不群每從先達訪遺文由來國子先生母却是梅邊嫡派

分擇繼當時屢問名邑南唐氏有家聲平生婦道堪書處請看彭門七弟

題梅贈山海蕭生赴山東秋試

孤芳自是不凡材顧影臨池首重回已報東歸消息好春光隨馬過關

送陳宏知事

風浪曾驚艷顏堆憐君新手護高桅相逢話舊渾如夢已過年光二十

時鳥帽西歸向我辭又來忘却贈行詩聞君歌罷遠惆悵轉覺吟情婉往

隨牒年來多苦辛青雲此日荷恩新南都列衛應相問知是尚書幕

蜀人陳宏舊從事于家君謹愿人也邇者赴官南京過予別且道往

歲相從于峽中遇險事及誦予天順矣未贈渠之作蓋茫然不知其

為誰我也語罷情不能已賦三絕以貽之

采：礪中姬肅：詹氏姥夫君久違榮家事獨攻苦囊空龜筭七兒有

鳳毛五一人迥超群宦學邁其父誥錫盤龍書名屬司馬尚揭分郡

守符縉此建昌組仕途與家便慈容喜先觀松陽歲將闌梅萼紛已吐

畫堂開宿醞綵服動新舞遂哉忠孝心君恩子何補

篁墩程先生文集卷之六十六

篁墩程先生文集卷之六十七

詩

十月二十七日出都城

供奉金鑾十四霜寧親恩許暫還鄉花驄遠給從官廐寶鏹分頒  
出尚方行色漸驚殘臘到歡心那說畏途長篁墩宅畔寒梅樹定發  
新花候鮮裝

廬溝別諸親友

夕陽初下古城頭雪浪凝寒沸不流多謝同袍舊知己殷勤相送過廬  
溝

晚次良鄉

晚宿良鄉館離家第一程便應今夕夢南北兩關情

早發

古城衰柳散朝鴉撫景全忘驛路賒山色西來寒潑黛日光東出暖蒸

霞遠人僕僕行躔費一處搖搖酒幔斜此去前村知己近耳聞雞犬隔  
林詳

涿州道中錄野人語良鄉役夫

我行范陽道水次遇老叟時當孟冬盡破褐露兩肘避近一咨諏向我  
再三剖哭言水爲沴天意苦難究今年六月間一日夜當丑山水從西  
來聲若萬雷吼水頭高十丈沒我堤上柳手指官路旁瓦礫半榛莽昔  
有十數家青帘市村酒人物與屋廬平明蕩無有水面沉沉來忽見鐵  
樞牖數日得傳聞水蝕紫荆口老稚隨波流積屍比山阜遠近皆湯湯  
昏墊弗可救如此數月餘乃可辨疆畝下田盡沮洳高田剩稂莠農家  
一歲計不復望升斗官府當秋來催租不容後嗟嗟下小民命在令與  
守更有觀風使仰若大父母見此如不聞恐或坐其咎我民千餘人血  
首當道叩始獲免三分有若釋重負柰何急餘徵日事鞭歐夫征又  
百出一一盡豪取悲哉一村中竄者已八九老夫家無妻一兒并一婦

兩孫方提携儘可慰衰朽豈期天不弔一旦遂窮死一兒水中沒一婦  
嫁隣某兩孫鬻他人償官尚難勾老身自執役存氣孰敢料反羨死者  
安苦恨生多壽

詔書開賑濟奉者有賢否終爲吏所欺此食亦難就與其餒填壑不若  
舉身走一飽死即休寧復念丘首呼天一何高呼地一何厚我聞老叟  
言垂涕者良久恭惟

天子聖化澤被寰圉聲色弗自御遊岐敢誰誘稼穡深所知真如古明  
后庶徵豈不諳一變故非偶無乃諸事變此責當敬受誰謂斯民不  
可事炳矣我亦食人祿深慚結朱綬豈無致澤心無地可藉手五馬  
踟躕悲風動林藪

遇廣東守臣進鸚鵡

綠衣朱喙隴山禽入音新從廣海濤聲震萬里購求何說費千金  
奉宸固表王人敬却獻誰知

主上心不見韓公嗟二鳥馬頭回首一長吟

新城公館夜夢亡弟備卻文敏王事壁上記題韻

弟兄無分過中年千里雲山望眼穿地下有時還見汝人間豈可時  
天英竟彷彿歸何處此夜分明到我邊公館北風吹夢醒未起金衣猶在  
沈然

### 渡白溝

白溝東下水如襟不盡行人馬古心成壘風雲留斷岬農家煙火盡  
林往來此日通燕魯與魯年年說宋金必看漁釣船此意權書入水  
雲深

### 雄縣城南水成湖渡二十餘里

雄縣城南初問津一片湖光青鏡勻  
人江南路景或轉徙囊北往天多苦辛  
幾春

### 晚行至任丘

任丘舊屬鄭州今廢止餘空城中有鄭市鎮扁鵲墓在道傍

風塵獵獵馬蹄翻旋覺殘陽下古原五里路中三渡水十家村裏九類  
垣一坏尚指盧醫墓兩壘空餘鄭市存此夜客懷應漸好計程明日到  
鄉園

### 過石門橋鋪

道上人稀日出遲  
碁野寺餘時鍾隱隱誰家畊處塚纍纍晨門一去無消息  
所思

### 至河間之明日拜掃先世 賜坐

勢擁長岡面四岑千章喬木藹成林  
德音百世幸培先業厚一家難報  
傳本夙心

發河間出南門拜外祖林處士墓遂至舅家飲別

騎出瀛東門朔氣侵衣裳巋然外家塚枕此官道傍下馬一頓首草木  
寒無光去坐數舉武升我舅氏堂舅年六十餘髮髮驚蒼浪老妪悲且  
喜叩我家事詳賤子再拜言有親天一方晏歲東南征岐路多風霜憶  
昔四小甥玉立森成行豈期中道間少者多淪亡人生若電火展轉摧  
中腸矧茲遠行役聚散安可常但願母家好慶遠流彌長盡此酒一尊  
別淚紛瀼二去住兩凝睇古木留殘陽

途中寄別官主事廉

滂水潺二似海流歲功那得半分收眼着餓殍盈官路手奉恩綸出  
帝州生意漸回千里望夙心應慰九重憂明年二月還過此擬有歡  
聲達見旒

獻縣望河間獻王墓

呂嬴播虐濫天下無典籍楚賊嗣其亮掌故不能匿迨彼馬上公儒者  
猶失職更化凡幾年書禁始銷熄斯文天有意宗賢起王國關附兩河  
間恭文自天識憫茲簡冊灰訪購靡餘力遂令先王書次第乃有得緬  
懷仁義風禮樂餘漢策高丘獻城東寒日下荆棘後生已千載私淑仰  
遺德

渡漳沱河

寒風挾霜起水浪從西來下觸斷橋柱碎此千瓊瑰流響甚清冽驚波  
屢盤迴官舟大如掌疾擢過南隈古來濟川人感激多良材

昇城晚遇南京戶部張彥質即中附奏江南旱災

詔使頻年發皇恩豈不覃水方滄冀北旱復苦江南天意嗟何極民  
生半不堪同袍夜相語祿食漫懷慙

昇城南門過御莊鋪乃劉豫始生之地

白草和煙覆矮墻一間茅屋野茫茫居人不唾劉即僭猶把亭名號御  
莊

景州望董子祠

先哲巍巍老仲舒古祠猶枕舊園居一時仁義江都相百世淵源魯國  
儒稍慰夙心思奠水仰瞻遺像欲停車後生碌碌成何用翹首風前思  
有餘

書所見十四韻

大水那能望有年恤民 恩詔喜奉 事憑公廩終難濟情到官莊最

可憐三河間一府官莊共一百三十餘處少者占取膏腴多極萬索粟金

穀動盈千稅於子粒偏加重官莊畝起子粒多至三斗賦入荒年亦未

今歲九被災之或免三五分或免七分港次半收煙火價場不許人推

煙火錢方許納野中分握草場權數近莊地有官馬入其域不論千百

雞豚已盡田間利項附納一羊或一鷄或一豬一雞一舟楫仍需水面

錢近官莊地被水浸者往來必須舟渡每舟月科銀三錢使不禁頻丟

住莊主每歲四季遣人微子粒諸色其家巨八人率游羊六七輩小民

何日許安便伐殘桑棗惟餘地典盡車牛莫訴天

中寸草不生車牛俱賤折倍于官莊罪孽使連兒女輩每子粒不敷莊主即遣人拘囚民其甚鞭笞寧計令丞員敕縣令被莊主答四十幾屋廡發淪波底惟縣以南幾千里不復成村死予過其竟猶曳仗來近屋廡老弱流離委道邊糠粒無端爭入市河間一帶市中賣精及哇哇者取豕食酒漿那復敢開廬河間以南村中不復有酒家監門有淚揮和水而取其汁以食人

帝前愧我身非觀察使傷心聊述紀行篇

日出入行

朝看紅雲出東海暮看紅日沉西山西沉東出不自己行人到此傷心  
顏家居徽歛間身綴蓬萊班南親闈兮北帝闕古來忠孝兩難盡此  
途此去終來還仰天戴日歌一曲不覺清淚流漣

過永昌橋野老云

太宗靖難過橋以舊名晉起不雅特更今名

界石魏表縣封永昌橋上午陰濃漁郎不復歌前代野老猶能說



太宗幾里護村堤似瓌太河分派水如龍臨風不覺衰徂久極目高唐  
已暮鍾

過南鎮店二首

陰靄如滋穉麥野風時振枯桑午市方趨南店早行已屆東昌  
林外依二煙火道中轆二車聲廢碣猶傳蒙古短亭正及荏平

荏平道中

落日荏平道孤村未掩關望中青隱二人說是陶山

入東平山中古墳以百十數殘碑斷磔多有年月可識

山過東阿兩路分草中無限昔人墳等閑却忘征驂苦貪看殘碑到夕  
曠

東阿王

我愛東阿王翩翩二貴公子雖讀萬卷書日二弄文史已乖弟兄好更遂  
君臣理盜漢者何人胡不相諫止所以大道行重義不重死淒涼豆箕  
詠掩卷吾不齒當年開國地寂寞小山趾諒我朱豈心千載有餘耻

梁顥墓

顥年四十餘登第官至秘書卒年五十餘子固亦登第為執政官  
名載宋史而當時好事者傳其八十二舉狀元至其子孫亦無知  
者詩以訂之

四十登科五十七史書猶載秘書梁誰將鶴髮欺公道遂使龍頭失故  
常世俗固應多訊耳子孫何得誤傳芳有靈地下還知此獨對泉臺笑  
幾場

汶上

家三文石甃街渠盡是顥年代塚餘所獲自收金玉外不知曾見殉書  
無

夜次兗州寄

安丘王府教授鄒鈍夫

半生交契說鄒陽年少才名獨擅場誰意兔園今白首只將詞賦動梁

王

寄衍聖公

關里魏二入望中後生山仰意何窮文光遠燭奎星上聖澤長隨泗水  
東崇德已隆 昭代禮象賢當有素王風十年濫接設學契寸札殷勤  
託便鴻

兗州東南望孔林居人謂之夫子塚云在九龍山下其山九峯  
故名

關里何年到勿一望間人言夫子塚正在九龍山

嶧山歌

行人朝行嶧山下山色凌寒翠堪把秀峯斗絕倚穹霄復嶺蜿蜒走平  
野路傍岩石亦嶮巖上似熊羆下牛馬征夫爲我一言數十殘碑尚  
堪打不知何代帝王米馳道猶存古碑瓦靈湫一眼透山顛時有風雷  
起長夏土老能占翠嶺雲刻日甘霖應時灑於中勝境難具論洞府多

截石尊竿入眼方知造化工披圖始覺丹青假蹇予素乏塵中緣最是  
平生愛山者驅馳未暇一登臨浩蕩襟懷向誰瀉思將短曲慰山靈安  
得長才繼騷雅

鄒縣城南拜亞聖祠下

萬年文運若循環此道誰堪繼孔顏但使七篇當世用便應三代舊風  
還子孫故里題鄒國俎豆嚴祠對嶧山下馬望塵修敬處夕陽川上水  
潺

憇滕南郵亭

家山疑在望中青征馬蕭蕭三此暫停屈指過江南北路還過百二短長  
亭

九日怨十章

亡弟克寬始生日在歲之重九自號稔菊每自江南赴北京秋  
試弗利輒過是日乃告歸滕縣道中馬上忽念此殆不能爲懷

因集古詩十絕題曰九日然用以泄予之哀思焉

年  
黃花半老清霜後憶弟看雲白晝眠妙質不為平世得悠悠生死別經

香  
滿城風雨近重陽馬上誰家白面郎時復看雲淚霑臆寒花猶作去年

來  
懷抱何時得好開陶然共醉菊花杯一行書寄千行淚竹死桐枯鳳不

時  
惠連群從總能詩一夜霜風凋玉芝叢菊兩開他日淚欲懽無復似當

花  
此身那得更無家節及登高忽嘆嗟人面不知何處去一年容易即黃

多  
南菊再逢人卧病浮雲世事欲如何哀歌未斷城鴉起鳴鴈不來風雨

期  
物色生慙能幾時九日尊前有所思遙知兄弟登高處此恨綿綿無絕

開  
愛而不見心斷絕瘦馬獨吟真可哀寄語風光共流轉菊花從此不雖

期  
與君今世為兄弟未必秋香一夜衰古往今來只如此九重泉路盡交

因  
徧挿茱萸少一人蒼苔白石已成塵人生在世長如客更結來生來了

彭城廢縣南謁漢高祖廟

古原荒樹倚村斜高廟威靈亦可嗟警蹕千年餘塑馬鑊蕭終夕舞神  
鴉陽山落日銷雲氣睢水寒風捲岸沙漢楚興亡那復問一龕燈火屬  
僧家

徐州望子房山上有祠

子房祠在望中岑蔓草寒煙尚可尋五世報韓終有恨一時興漢本無心書傳黃石知真假名配青山自古今立馬斜陽無限思天教風壑助豪吟

徐州驛舍竹林可愛

徐州驛裏蕭蕭竹好手應難入畫圖北客南來初見此不勝清思繞江湖

不寐

千載逍遙堂獨卧愁不語北風吹竹林一夜響寒雨

徐王墳

北城魏二近鳳陽萬年北德此開祥當時不是靈源厚異姓誰封一字王

夾溝山中夜行

馬渡夾溝東溪橋卧斷虹夜闌群動息月出四山空物色歸塵外天形

入鏡中

同年范嘉龍御史在大店驛相候叙話良久乃別

浮生聚散若飛蓬驛舍那知此會同可是故人非白根獨勞前路駐青驄雲面峻嶺朝含日霜入疎林夜戰風近事忽三談不盡出門車馬又西東

因鎮靜早發集古二首

中夜起坐萬感集有時顛倒着衣裳病身最覺風寒冷離思杳如關塞

正睡夢中行十里東方明星亦不遲但見烏帽出後沒馬首東來知是誰

渡淮次濠梁

萬里無風起片雲中流一線浩沄三源從桐柏山中馮嶺自濠梁驛下分賈客帆檣依岸宿皇陵鐘磬隔城聞遠人歡問觀魚樂莊子臺前

又夕曛

中都形勝

境當南北建中都形勝遠應古亦無四望河山圍  
太寢仰知天  
皇圖復田萬世還過漢開國元年尚紀吳立馬臨淮城下路五雲回首  
欲高呼

鳳陽南二十里步小嶺見環滁諸山

一時飛思薄青真水  
亭

沙欄鋪山行

彌寒風吹自黃山中隨處磳聲長不知早稻皆成草猶自消下野  
塘

鳳陽南行失道懷越定遠

自我為近臣塊坐今幾春出門訪何之引躅隨他人南行二十日但喜

郵亭勾渡淮宿濠梁壘  
非迂遠難具陳跋馬重嘆息寒日吹沙塵古來賢達士岐路多需帶安  
得指南車慰此長途身

池河驛山行二首

隔石風銷野際登時日出林端牛羊自占坡暖鷺鳴不知水寒  
古寺火燒梵塔空壇水沒田塍行人時復駐馬野老適來負薪  
途次偶成

寸田塍接礪阿一叢茅屋枕坡陀馬蹄已近江南路漸覺人家水竹  
多

大鎗嶺

四顧峯巒劍戟攢丹梯百折暗中盤凝眸叵測東西濶仰面惟愁上下  
難土著已諳猶足弱客遊雖壯亦心寒我來疑是茲山幸欲寫微名石  
上刊

晚過大柳樹驛南涼三衛列峙山中

大鎗嶺下馬頻揮大柳岡頭客漸稀  
烈火燎原虢虎避疾風驚草雉雞  
飛山迴轉覺郵亭遠夜下先愁驛路微  
野戍誰家多種竹旅懷當此更依

月夜渡清流關

壁立萬仞清流山橫截萬古清流關  
人間險固不可少老天生此青孱  
顏平生細讀五朝史柴郎亦是奇男子  
斬關縛取二將軍點檢真人入  
驅使我來弔古當窮冬陰崖草木號天風  
當時戰處杳無跡惟有明月  
留山中 聖代車書會同父此地無勞置官守  
長歌一曲下關來夜市  
還沽釀泉酒

次滁陽贈州守劉煥

瑯琊山下水聲長六一堂前草樹荒  
駐馬喜逢劉郡守風流猶解說歐陽

早發滁陽戲題

夜到滁陽只因眠去時  
纔及五更天匆匆諭德人應笑  
何不來嘗廢子泉

過家君舊任太僕所居聞當時及門者  
惟與術魏延一人  
行雲落日繞鄉園  
既馬如龍草自蕃  
聞說舊時門下客  
蕭條惟有魏生存

望瑯琊諸山不及遊  
典術魏延追及誦  
吾同年在孔陽司副  
四十年來方一到之句  
不覺笑曰孔陽謝病居江浦  
去滁不百里而近尚半世  
一至况六我輩乎馬上次韻一首以示延便中  
寄聲孔陽未必不為之撫掌也

林壑分明自一寰  
釀泉聲出兩峯間  
百年紙上看陳迹  
寸日忙中負此山  
到處僧為風月主  
生來誰似水雲閒  
逃名更笑莊周懶  
半世方成一往還

和州香湫寺浴湯泉

山根流出暖湯：暗處斜分到石堂千里風塵消半霎一團和氣霽中  
央何年混沌初開竅此地溫柔別是鄉浴罷不知將夜半老僧頻換佛  
前香

渡江次采石

二十年來塵鞅中臨江喜遇快哉風六朝隱：寒山翠萬里沉：夕照  
紅絕海舟航南北共兼天波浪古今雄擬沽采石磯頭酒澆我平生  
碗骨

李白墓

誰見吟魂月裏歸臨風懷古思依：史中出處猶真為地下形骸果是  
非采石人家空奠酒盛唐詩派不傳衣騎鯨浩氣今安在：一片江流蕩  
落暉

冬至行 慶賀禮于太平府中

一線陽隨夜氣生瞻 天隨例拜 江城不知此際 文華殿誰導

青宮鶴駕行

黃池

黃池鎮下曉揚舫扶上有輿尚見星草結鮮紅鷓鴣眼棗竹挂蒼翠鳳尻  
翎人家愈覺園林密郵舍初分道里停已過江南三百里鄉音入耳漸  
中聽

太平山行

江南風土最怡情臨水人家分外清輕權野航如使馬蜜裁高竹似連  
城好山隔岸開真畫絕磗流泉奏古笙北去定應勞夢想題詩留與白  
鷗盟

敬亭山

青山一萬仞我愛敬亭名勝際一千里分疆及數城不夸遊目騁轉覺  
道心生李白題詩在風流續未成

宿宛陵書院

自從刪述來詩道幾更變騷此無遺聲漢魏起群彥謝絕及宋沈入眼  
已葱蒨頽波日東馳李杜出而殿當時多渾成豈必事精鍊云胡倡唐  
音趨者若郵傳坐令詩道衰花月動相眩千載宛陵翁惟我獨歆羨翁  
詞最古雅翁才亦豐膽一代吟壇中張主力不勸遂使天地間留此中  
興卷如何近代子落三寡稱善紛紜較唐宋甄取失良賤無乃久浸淫  
曾靡得真見渺三歲將夕南來宛陵縣頓首弁翁室松竹猶眷三感慨  
撫陳跡江水一再奠我心風景仰我學誠襍線上想三百篇斯境復誰  
薦

寧國縣道中

宣歙巍三接縣封忽驚身世得奇逢高懸石棧三千丈四合雲峯百萬  
重野廟鬼神疑作恠水田蛇虎動留踪人言此去仍多景自保看山力  
未慵

早發湖樂鎮過黃木嶺遇佐時及鄉人來迎

湖樂鎮下更未闌黃木嶺頭山火寒峯腰霜蒲一尺徑磴底風生千仞  
灘歸心急喜到家好側足方知行路難前途忽與故人接相對不覺成  
悲惓

過叢山關入績溪界巧溪橋

江南江北路迢二馬上朱顏漸覺凋今日故鄉初入眼叢山關下巧溪  
橋

十里巖

不知何代起神雷鑿此雙峯壓路開數點落星浮水次一灣晴雪灑巖  
隈詞人試險身全汗劍客臨風志未灰我欲深鑿崖石上改封君作大  
飛來

至家

終日思歸今始歸故人喬木尚依三庭闈喜極翻成泣手足情深事已



非良夜却虛姜氏被半生長負老萊衣愁來便欲求終養  
恩詔丁寧未敢違

謁先塋于水橋干

松蘿山色蕩朝暉先壟依然樹一圍累葉相承支系在百年今見眇孫  
歸堅珉近勒尚書表故篋猶傳相國衣我願宗人勤種德幾家文獻重  
南徽

哭亡弟克寬于南山堂僧舍

寸心如折淚如麻恨殺鷓原日易斜黃卷有期承世業未顏無分樂年  
華佛前已悟身為幻夢裏長驚目是花千里遠來多為汝有靈今定  
還家

汪王廟王諱華隋末保孫欽宣杭睦統發六州稱吳王唐初力

聞說真人起晉陽六州圖籍便歸唐文竟免群生難簪笄宜傳百世  
芳封誥尚存題越國史書全失紀吳王後祠香火年三盛知是英魂戀

故鄉

五顯廟

五嶺巍真一州炳靈寧不異長流火旗雲馬分明見風飄山魃次第  
收滿坐遺形如伯仲當時封爵比公侯神功最是難忘處歲二居民慶  
有秋

拜先世祖梁將軍忠壯公廟于篁墩公諱靈洗以布衣起兵

廟在

僭侯東下勢難支出處如公最有辭忍見松楸汗賊手徑提文甲齊王  
師兩朝勲德收前史一郡蒸嘗奉古祠再拜遺容風動幕凜然猶是起  
兵時

拜先世祖晉新安太守府君墓于雙石府君諱元譚以籍吏

後事具方

南朝遺跡半無聞我郡猶傳刺史君當日循良開甲第至今行旅識荒

墳百年守令孤芳在萬指兒孫一派分不見墓田雙石礫白楊寒雨晚  
紛

紫陽書院院專祠文公附食

千載山堂倚故墟兒童能識紫陽朱鄉賢依附襟襟未感今周旋俎豆  
餘恩典近延徽國譜奎文猶刻理宗書平生學道全無似九拜趨庭  
愧小儒

拜先世族祖宋丞相文清公元鳳祠宇墓于古城關積慶寺

石獸行：草樹間往來人說古城關先靈幸託青蓮宇上相曾分玉筍  
班一族再分貽穆序百年初識祖宗顏非才豈足光潛德負此穹碑勒

墓山祠所製也

臘月半後祠堂前并後園梅花盛開敬次家君卷中舊韻二首

東克儉

年來空對馮生堂的見水容自不帶疎影似龍清戰月貞心如鐵冷欺

霜祇知菖竹堪為友轉覺凡花不且及香風味獨當充鼎實肯隨脂粉媚  
含章

亭三玉立晚風前春意終歸雪意先後院根如前院好南枝花比北枝  
妍胡雖舊曲吹山月姑射新妝照水天明發定應勞夢想乞將消息往  
來傳

先忠烈王遺蹟十二詠

王諱靈洗微之休寧人當梁末以布衣起義兵禦侯景之亂州郡  
獲全後為大將屢立戰功封重安縣公以卒贈鎮西將軍開府儀  
同三司謚忠壯生子二十二人其胤愈盛凡徽之程皆祖之而土  
人德王之功者因相與廟祀至今宋號其額曰世忠累封廣烈孚  
佑顯應忠惠侯加封忠烈顯惠靈順善應公元時再拜進王封  
本朝載在祀典出處之詳具于史傳然其遺蹟在鄉郡最多而  
散出無紀敏政輒收萃之以便子孫觀覽其所未知者尚俟他

日追補焉

射蜃湖

公所居在望墩湖側湖之神嘗見夢于公曰呂胡蜃將助于公明日公侯于湖上頃之霧晦水聲澎湃兩牛角于湖上而肩白者屈公一矢中其黑鬃已而晴明湖水皆赤不踰夕有黑蜃斃于吉陽灘下

青草湖陰路神人跡尚留雕翎方出殼蜃氣不成樓亂石灘聲急連村樹色稠黃鬼知不散時向此中遊

白石阡公射蜃後有黃冠叩門曰臧公厚德無以為報引公至黃牛山下以白石志之曰臧此可暴貴也言訖不見公奉母夫人葬焉

湖上妖氛滅山前吉兆開黃冠離水府白石定泉臺墓碣龜仍在冥儀獸半摧年三寒食雨時見遠孫來

相公木射蜃湖中有巨木相傳為射蜃時所立棚木也更代猶有觸之必有禍號曰相公木以公為開府儀同三司故云

棚木長千尺蜿蜒距水涯跛皮躔行帶老色映蘋花雷雨春驚蟄星河夜汎槎漁舸莫輕近神物此為家

鼓吹臺公起兵非族景時嘗率諸少年日戰湖上傳聞風雨之夕猶有鼓吹聲

壯士昔登臺鄉兵取次裁鳴鼙催陣起吹角召軍回舊事傳遺老荒臺沒草萊至今風雨夕猶訝戰聲來

鏢卜橋公破賊後嚴兵于農方自負鏢入田而朝命適至公倉皇以鏢置水中卜休咎得吉卜馬橋因以名

荷鋤方出郭徵詔忽臨身問吉占田具祈靈拜水神風雲曾得意溪壑自生春竚立長橋下悠三跡未陳

洗馬池公與侯景別將戰後洗馬于此

山前收戰後洗馬向晴波髀肉加鞭久腰痕受箭多敵兵愁棄甲征戍喜投戈舊蹟無尋處沙頭剩綠莎

射的山公將兵過旌德抽矢射山誓平侯景故名

空山崖石上羽鏃半留形鳥過不敢下苔封疑有靈子孫傳野史守令刻新銘亦有南開府忠勳繼汗青

軟血臺

公與諸將討侯景會盟于此

勤王初受命仗劍即登壇左袒人爭奮中興事不難令嚴朱雀幟盟重  
白雞盤想像臨戎處荒山草木寒

相公湖

公故宅隱為湖時有巨魚出受人不取取天氣清晏時見宮室其下

將軍本龍種居處化淵中變態時常見真游路不通渚宮隨燭顯海市  
向陽空不似多遺愛人爭說相公

千年木

公自營北城祝曰子孫能大吾門當生大木既而生楮不一株大且十圍後為風雨所偃旁出二枝宋時猶合

抱云

嘉禾何年種龍從護古墳蛇皮斜溜雨龍角上排雲手植傳鄉土神遊  
隔世瓜子孫今萬派冠珮日紆二

相公壇

公薨後土人於千年木下為壇奉祀以社公配焉

結壇嘉樹下村賽鼓逢三老穉冠裳襍雞豚俎豆豐靈旗朝送雨神馬  
夜嘶風自是陰功字年二配社公

世忠廟

宋時鄉人以公靈應請立廟朝議以公為趙忠臣嬰之裔元累封忠烈王本朝載在祀典

立孤人去遠孫子更流芳忠節高千古神功被一方舊祠傳異代新爵  
換真王何幸南歸便焚香拜寢堂

東密巖

乃先世祖都使公濬淘兄弟起兵拒黃巢處

萬仞峻嶺百里長此中曾蹶草頭黃衣冠稅駕趨行在兄弟登壇守故  
鄉一代風塵山戍遠千家煙火石基荒水田折戟時常露知是先人舊  
戰場

齊雲巖

上觀玄武觀

四山回合香難窮翠錦屏開面二工巨石穿雲成戶牖半崖飛雨作簾  
櫳地靈今古神先據境隔仙凡路可通極目丹丘何處是魏樓閣起  
天中

何年絳節此中停五老依然護紫庭鍾鼓分頭雙岫碧香爐當面一峯  
青压廬未敢爭誰秀玄武應知不自靈勝覽日斜歸未得細磨蒼藓讀

碑銘

古城巖

乘閒來上古城巖石洞深似隔凡疊巘每迎神駭下危峯疑出鬼工  
剗一溪寒水圍青嶂萬壑天風響翠衫知是何人先到此斷崖高處刻  
題街

次宋縣令鄒補之巖口石壁留題之作

不見當年舊縣基獨留孤廟想陳隋水過山脚無尋處路繞雲根有斷  
時雉堞草荒埋廢礎鷲峯苔老剝殘碑危闌却倚青冥望入眼分明自  
有詩

松蘿山


雙峽中分一徑通寶坊遙隔片雲東四時山色涵空翠萬折泉聲瀉瀉斷  
虹清愛竹孫穿凍雪靜聞松子落香風登高兩屐吾方健攜手無因得  
贊公

斷石村

太星何日墜滄浪點破風前一鏡光野樵偶來幽磻側古詩誰刻斷崖  
傍丹梯恐躡蒼苔滑雲碓時春白稻香西望松蘿山巖處石人峯倚暮  
天長

飲楊浚明推府宅夜歸宿城隍道院

醉投琳館一燈殘葉上蕭蕭雨未乾乍入故鄉翻似客倘成新社即辭  
官好山有約遊方健勝地無塵夢亦安半夜涼風吹酒醒恨無奇句寫



Handwritten text or markings along the right edge of the page, possibly bleed-through from the reverse side or a marginal note. The text is faint and difficult to decipher.

